



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-1375-1/21
Datum, 04.11.2021. godine

Shodno odredbama člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08) i člana 148. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na Osmoj sjednici Gradskog vijeća Grada Sarajeva, održanoj 04.11.2021. godine, **gradska vijećnica Marijela Hašimbegović** je uputila **inicijativu** da Grad Sarajevo, u raspoloživom kapacitetu, podrži projekat obilježavanja jubileja 35 godina umjetničkog djelovanja sarajevskog pop benda Crvena jabuka, a koja je u prilogu ovog akta, te zatražila da se Gradsko vijeće Grada Sarajeva izjasni o podnesenoj inicijativi.

Gradsko vijeće je podržalo podnesenu inicijativu, te je ona postala inicijativom Gradskog vijeća.

PREDSJEDAVALAČI GRADSKOG VIJEĆA

Jasmin Ademović, s.r.

Dostaviti:

- Gradonačelnici
- Evidenciji
- a/a

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





DEMOKRATSKA FRONTA

Bosna i Hercegovina-Federacija Bosne i Hercegovina
Kanton Sarajevo - GRAD SARAJEVO
GRADSKO VIJEĆE

PRIMLJENO: 01-11-2021			
Org. jed.	Broj	Prilog	Vrijeme
01-GS-02-	1375	/	21

Grad Sarajevo
Gradsko vijeće Grada Sarajeva
Predsjedavajući, Jasmin Ademović n/r
Gradonačelnica, Benjamina Karić rođ Londrc n/r

U skladu sa članom 148. Poslovnika Gradskog vijeća Grada Sarajeva ("Službene novine Kantona Sarajevo", broj 28/09) ovim putem podnosim **vijećničku inicijativu** za koju tražim izjašnjenje Gradskog vijeća:

Obilježavanje jubileja 35 godina umjetničkog djelovanja sarajevskog pop-benda **Crvena jabuka**


Obrazloženje:

Na zahtjev JU MUZEJ SARAJEVA pokrećem inicijativu za organizovanjem prigodne multimedijalne izložbe u Štrosmajerovoj ulici u povodu proslave jubileja 35 godina umjetničkog djelovanja pop-benda **Crvena jabuka**.

Na ovaj način vratili bi uspomene na jedno posebno vrijeme i bezvremenske hitove koji su obilježili mladost mnogih generacija. Ovaj projekat promovise bogatu kulturnu - muzičku baštinu Sarajeva i države BiH. Obzirom da kao takav čini kulturni identitet naše zajednice predstavlja i izvrsnu turističku ponudu. Realizacija projekta planirana je krajem 2021 godine. Nakon postavke u Štrosmajerovoj ulici u planu je postaviti istu izložbu i u sportsko-rekreacionom centru 'Safet Zajko'. Smatram da je važno i neophodno da Gradska uprava podrži ovaj projekat u raspoloživom kapacitetu obzirom da smo na samom kraju godine. Molim vas da više o projektu pročitate iz pisma namjere JU MUZEJ SARAJEVA.

Sarajevo, 31.10. 2021

Marijela Hašimbegović dia
vijećnica Demokratske fronte



JU MUZEJ SARAJEVA: Josipa Stadlera br. 32, Sarajevo, Bosna i Hercegovina
Tel: ++387 33 475 740; Fax: ++387 33 475 749; ID broj: 4200645360005
www.muzejsarajevo.ba; E-mail: muzejsarajevo@bih.net.ba

Broj: 233-01-3/21
Sarajevo, 27. 10. 2021.

Gradsko vijeće Grada Sarajeva
71 000 Sarajevo
N/r: g-đa: Marijela Margeta – Hašimbegović

PREDMET: Prijedlog za suradnju

Poštovani,

Ovim putem Vam se obraćamo sa prijedlogom za zajedničku suradnju, a u cilju promoviranja bogate kulturne (muzičke) baštine grada Sarajeva i države BiH. Muzika osim što predstavlja oblik izražavanja trebala bi da predstavlja i kulturni identit odredene zajednice. Poštujući odredbe UNESCO-ove Konvencije o zaštiti nematerijalnog kulturnog naslijeđa koja je usvojena u Parizu 2003, a u Bosni i Hercegovini ratifikovana 2009. godine, muzika se može smatrati nematerijalnim kulturnim naslijeđem. Materijalno i nematerijalno kulturno naslijeđe glavna je karakteristika u turističkoj ponudi određene turističke destinacije. Grad Sarajevo je najatraktivnija destinacija za kulturni turizam uzimajući u obzir činjenicu da je Sarajevska škola pop – rocka oblikovala popularnu muziku bivših jugoslovenskih republika do danas.

Naime, krajem mjeseca decembra 2018. godine građani grada Sarajeva, kao i brojni turisti, koji su posjetili bosanskohercegovačku prijestolnicu u vrijeme novogodišnjih praznika, imali su priliku uživati u dvosedmičnoj manifestaciji i izložbi simboličnog naslova „Jedne noći u decembru“ kojom je obilježeno 70 godina od rođenja nezaboravnog šansonjera, pjesnika grada ljubavi, omiljenog bosanskohercegovačkog i ex - Jugoslovenskog kantautora Kemala Montena. U realizaciji ove manifestacije i multimedijalne izložbe, u cilju što bolje implementacije projekta, učestvovala su sarajevske općine Stari grad i Centar, Tunstička zajednica KS i Ministarstvo kulture i sporta KS. Idejni tvorac i autorica cjelokupne manifestacije i multimedijalne izložbe bila je Amina Abdičević. Bio je to svojevrsan poklon građanima grada Sarajeva, u tom pred prazničnom periodu. Izložba je po prvi put na ovakav način prezentirana javnosti, na otvorenom prostoru, u jednoj od najljepših sarajevskih ulica Štrosmajerovoj, koja je nedavno proglašena i nacionalnim spomenikom.

Potaknuta podrškom brojnih posjetilaca i turista koji su u tom periodu imali priliku pogledati izložbenu postavku u Štrosmajerovoj ulici, kao i saradnjom sa JU Muzejom Sarajeva, ali i razgovorom sa članovima sarajevskog pop-benda Crvena jabuka, autorica projekta došla je na ideju da se krajem 2021. na sličan način i na istom mjestu (Štrosmajerova ulica) priredi otvorenje multimedijalne izložbene postavke o ovom

kultnom bendu koji ove godine obilježava i 35 godina umjetničkog djelovanja! Naša želja i prijedlog bio bi da Upravi grada Sarajeva upulimo poziv za saradnju u cilju što ljepše i rešrezentativnije implementaciji projekta. Planirano je da se nakon izložbene prezentacije u Štrosmajerovoj ulici izložba premjesti u Park i sportsko – rekreacioni centar „Safet Zajko“ i da postavka bude dostupna i široj publici grada Sarajeva. Arhivski materijal za izložbu je već velikim djelom prikupljen i trenutno se radi na vizuelnom i dizajnerskom oblikovanju postavke! Finansijska konstrukcija još nije završena i u fazi smo prikupljanja sredstava za štampanje i dostojanstvenu prezentaciju „jedne lijepe sarajevske priče“ koja je odavno poprimila i regionalni karakter. Ukoliko bi se ostvarila zajednička saradnja između JU Muzej Sarajeva i Uprave grada Sarajeva bilo bi nam zadovoljstvo da zajedničkim snagama implementiramo ovaj značajan kulturni događaj koji je odavno poprimio i regionalni karakter!

Multimedijalnom izložbom o pop – bendu Crvena jabuka ponovo bi obnovili sjećanja i vratili uspomene na jedno novo vrijeme i bezvremenske hitove koji su obilježili mladost mnogih generacija! O značaju i veličini ovog kulturnog sarajevskog benda književnik Rusmir Agačević - Rus je svojevremeno zapisao: „I nakon toliko vremena znam samo jedno, naša bi srca i sjećanja naša, raja i mahale, ulice, čaršija, strepnje i ljubavi, Sarajevo bi naše i Bosna i Hercegovina naša, bile drugačije, bile bi siromašnije, da se odnekud sa kišarna, nekako s proljeća, otisnuta ni sa grane ni sa zemlje, prema svima nama, nije zakotrijala ta čudesna, tako jednostavna, a tako blistavo neponovljiva, naša zauvijek CRVENA JABUKA!“

Mi smo društvo koje treba odali počast, ne samo umjelicima koji više nisu među nama, nego i živima, koji su se za vrijeme svog života upisali u našu historiju.

Iskreno se nadamo se da će ovaj prijedlog i poziv za saradnju biti prepoznat od strane čelnih ljudi gradske uprave i da ćemo kako zbog aktuelne publike, tako i generacija koje nam tek dolaze, kroz realizaciju, ovakvih i sličnih manifestacija sačuvali uspomene na bogatu kulturnu baštinu našeg grada i države.

Srdačan pozdrav i za sve dodatne konsultacije stojimo na raspolaganju!

S poštovanjem,



DIREKTOR
Alma Leka